

摘藻堂四庫全書薈要

集部

欽定四庫全書會要卷一萬七千六百四十三

集部

御定全唐詩卷二百三十八

錢起

送集賢崔八叔承恩括圖書

雨露滿儒服天心知子虛還勞五經笥更訪百家書贈
別傾文苑光華比使車晚一作曉雲隨客散寒樹出關疎

相見應朝夕歸期在玉除

送張五員外東歸楚州

纓珮不為美人羣寧免辭杳然黃鵠去未負白雲期此
別清興盡高秋臨水時好山在帆僻浪跡到家遲他日
詔書下梁鴻安可追

閒居寄包何

去名即棲遁何必歸滄浪種藥幽不淺杜門喧自忘林
眠多曉夢鷗散驚初陽片雪幽雲至迴風隣果香佳期
碧天末惆悵紫蘭芳

一作
房

津梁寺尋李侍御

禪林絕過客柱史正焚香
馴鴿不猜隼慈雲能護霜
驄聲隔暗竹吏事散空廊
霄漢期鴛鴦狐狸避憲章
遶堦春色至屈草待君芳

山園秋晚寄杜黃裳少府

惆悵佳期阻園林秋景閒
終朝碧雲外唯見暮禽還
泉石思携手煙霞不閉關
杖藜仍把菊對卷也看山
望望離心起非君誰解顏

東溪杜

一作野人致酒

萬重雲樹下數畝子平居野院羅泉石荆扉背里閭早
冬耕鑿暇弋雁復烹魚靜掃寒花徑唯邀傲吏車晚來
留客好小雪下山初

憶山中寄舊友

數歲白雲裏與君同采薇樹深煙不散溪靜鷺忘飛更
憶東巖趣殘陽破翠微脫巾花下醉洗藥月前歸風景
今還好如何與世一作此興違

東臯早春寄郎四校書

祿微賴學稼歲起歸衡茅窮達一作途戀明主耕桑亦一作

迹近郊夜來霽山雪陽氣動林梢蘭一作萌蕙暖初吐春

鳩鳴欲一作始巢蓬萊時入夢知子憶貧一作與平交

玉山東溪題李叟屋壁

霞景已斜照煙溪方暝投山家歸路僻轍跡亂泉流野
老採薇暇蝸廬招客幽麈麈突荒院鷓鴣步閒疇偶此
愜真性令人輕宦遊

溫泉宮禮見

新豐佳氣滿聖主在溫泉雲暖

暖一作

龍行處山明日馭

前順風求至道側席問遺賢靈雪瑤墀降晨霞綵仗一作
旆懸滄溟不讓水疵賤也朝天

遊襄陽泉石晚歸

遊目隨山勝迴繞愛浦長往來幽不淺昏旦興難忘木
末看歸翼蓮西失夕陽人聲指閭井野趣惜林塘稍近
垂楊路菱舟擁岸香

夏日陪史郎中宴杜郎中果園

何事重逢迎春醪晚更清林端花自老池上月初明路
入仙郎次烏連柱史名竹陰疎柰院一作苑山翠傍蕪城
引滿不辭醉風來待曙更

南溪春耕

荷蓑趣

一作趨

南逕戴勝鳴條放溪雨有餘潤土膏寧厭

開溝滕落花盡耒耜度雲迴誰道耦耕倦仍無勝賞催
日長農有暇悔不帶經來

省試湘靈鼓瑟

善鼓

一作拊

雲和瑟常聞帝子靈馮夷空

一作徒

自舞楚客

不堪聽苦調淒金石清音入杳冥蒼梧來

一作成

怨慕白

並動芳馨流水傳瀟

一作湘

浦悲風過洞庭曲終人不見

江上數峰青

觀法駕自鳳翔迴

撓搶一掃滅閭闔九重開海晏鯨鯢盡天旋日月來聖

情蘇品物龍御

一作馭

闕雲雷曉漏移仙仗朝陽出帝臺

周慚散馬出禹讓澹川迴欲識封人願南山舉酒杯

題玉山村叟屋壁

一本無屋字

谷口好泉石居人能陸沈牛羊下

一作上

山小

一作去

煙火

一作雨

隔雲

一作林

深一逕入溪色數家連竹陰藏虹辭晚

雨驚隼落殘禽涉趣皆流

一作留

目將歸羨

一作必

在林却

思黃綬事辜負紫芝心

縣中池竹言懷

官小志已足時清免負薪卑棲且得地榮耀不關身自

愛賞心處叢篁流水濱荷香度高枕山

一作春

色滿南隣

道在即為樂機忘寧厭貧却愁丹鳳詔來訪漆園人

山園棲隱

守靜信推分灌園樂在茲且忘堯舜力寧顧尚書期晚
景采蘭暇空林散帙時卷荷藏露滴黃口觸蟲絲三徑
與囂遠一瓢常自怡情人半雲外風月詎相思

送王諫議任東都居守

車徒鳳掖東去去洛陽宮暫以青蒲隔還看紫禁同經
過乘雨露瀟灑出鴛鴻官署名臺下雲山舊苑中暮天

雙闌靜秋月九重門一作空且喜成周地詩人播國風

送鄭書記

決勝無遺策辭天便請纓出身唯殉死報國且能兵受
命麒麟殿參謀驃騎營短簫催別酒斜日駐前旌義勇
千夫敵風沙萬里行幾年丹闕下侯印錫書生

送族姪赴任

一作之郡

林下不成興仲容微祿牽客程千里遠別念一作帆

懸欲歎卑棲去其如勝趣偏雲山深郡郭花木淨潮田

坐嘯帷應下離居月復圓此時知小阮相憶綠尊前

長安落第作

始願今如此前途復若何無媒獻詩賦生事日蹉跎不
遇張華識空悲甯戚歌故山歸夢遠新歲客愁多刷羽
思喬木登龍恨失波散才非世用回首謝雲蘿

一作羅

酬長孫繹藍溪寄杏

愛君藍水上種杏近成田拂逕清陰合臨流彩實懸清
香和宿雨佳色出晴烟懿此傾筐贈想

一作相

知懷橘年

芳馨來滿袖瓊玖願訓篇把玩情何極雲林若眼前

藥堂秋暮

隱來未得道歲去媿雲松茅屋空山暮荷衣白露濃唯
憐石苔色不染世人蹤潭靜宜孤鶴山深絕遠鐘有時
丹竈上數點綵霞重勉事壺公術仙期待赤龍

哭常徵君

萬化一朝盡窮泉悲此君如何丹竈術能誤紫芝焚不
遂蒼生望空留封禪文遠年隨逝水真氣盡浮雲山閉

龍蛇蟄林寒麋鹿羣傷心載酒地仙菊為誰薰

送鮑中丞赴太原軍營

年壯才仍美時來道易行寵魚三獨任威肅貳師營將
略過南仲天心寄北京雲旂臨塞色龍笛出關聲漢月
隨霜去邊塵計日清漸知王事好文武用書生

奉送劉相公江淮催轉運

國用資戎事臣勞為主憂將徵任土貢更發濟川舟擁
傳星還去過池鳳不留唯高飲水一作冰節稍淺別家愁

落葉淮邊雨孤山海上秋遙知謝公興微月上一作江
樓

送李秀才落第遊荆楚

翠羽雖一作難成夢遷鶯尚後羣名逃却詵策興發謝玄

文昏旦扁舟去江山幾路分上潮吞海日歸鴈出湖雲
詩思應須苦援聲莫厭聞離居見新月那得不思君

奉陪郭常侍宴滄川山池

掖垣携愛客勝地賞年光向竹過賓館尋山到妓堂歌

聲掩金石舞態出平陽地滿簪裾影花添蘭麝香鶯
啼春未老酒冷日猶長安石風流事須歸問一作省郎

寇中送張司馬歸洛

戎狄寇周日衣冠適洛年客亭新驛騎歸一作路舊人

煙吾道將東矣秋風更颯然雲愁百戰地樹隔兩鄉天
旅思蓬飄陌驚魂雁怯弦今朝一尊酒莫惜醉離筵

奉和宣城張太守南亭秋夕懷友

池館蟋蟀聲梧桐秋露晴月臨朱戟靜河近畫樓明捲

幔浮涼入聞鐘永夜清片雲懸曙斗數雁過秋城羽扇
揚風暇瑤琴悵一作寄別情江山飛麗藻謝朓讓前名

過山人所居因寄諸遺補

空谷春雲滿愚公晦跡深一隨玄豹隱幾換綠蘿陰絕
徑人稀到芳蓀我獨尋厨煙住峭壁酒氣出重林蝴蝶
晴還舞黃鸝晚暫吟所思青瑣客瑤草寄幽心

過鳴臯隱者

磻石老紅鮮一作薛徵君卧幾年飛一作百泉出林下一徑

過

一作窮

崖巔雞犬逐人靜
雲霞宜地偏
終朝數峰勝不

遠一壺前
仲月霽春雨香風生
藥田丹溪不可別
瓊草

色芊芊

送楊鎬歸隱

悔作掃門事
還吟招隱詩
今年芳草色不失
故山期
遙想白雲裏
采苓春日遲
溪花藏石徑
巖翠帶茅茨
九轉莫飛去
三迴良在茲
還嗤茂陵客
貧病老明時

酬劉起居卧病見寄

承顏看綵服不覺別丹墀味道能忘病過庭更學詩
繚垣多畫戟遠岫入書帷竹靜携琴處林香讓果時
聲同叨眷早交澹在年衰更枉兼金贈難為繼組詞

陪南省諸公宴殿中李監宅

將門高勝霍相子寵過常官貴攀龍後心傾待士時
壺觴開雅宴鴛鴦眷相隨舞退燕姬曲歌徵謝朓詩
晚鐘過竹靜醉客出花遲莫惜留餘興良辰不可追

山齋讀書寄時校書杜叟

日愛衡茅一作芳下閒觀山海圖幽人自守樸窮谷也名

愚倒一作隔嶺和溪雨新泉到戶樞叢蘭齊穉子蟠木老

潛夫憶戴差過剡遊仙慣入壺濠梁時一訪莊叟亦吾徒

晚歸藍田舊居

雲卷東臯下歸來省故蹊泉移憐石在林長一作近覺原

低舊里情難盡前山賞未迷引藤看古木嘗酒別春雞

興一作性與時髦背年將野老齊才微甘引退應得遂霞

樓

寄袁州李嘉祐員外

誰謂江山阻心親夢想偏容輝常在目離別任經年郡
國通流水雲霞共遠天行春鶯幾轉遲客月頻圓雁有
歸一作還鄉羽人無訪戴船願徵黃霸入相見玉堦前

禁闈翫雪寄薛左丞

玄雲低禁苑飛雪滿神州虛白生臺榭寒光入冕旒粉
凝宮壁靜乳結洞門幽細繞迴風轉輕隨落羽浮怒濤

堆砌石新月孕簾鉤為報詩人道豐年頌聖猷

春暮過石龜谷題溫處士林園

一作送溫逸人

隱几

一作垂白

無名老

一作者

何年此陸沈丘園自

一作應

得性

婚嫁不嬰

一作關

心歲計因山薄霞棲在谷深設置

一作盧

連草色曠

一作曝

藥背

一作避

松陰觸興雲生岫隨耕鳥下

林搯頤笑來客頭上有朝簪

宿畢侍御宅

交情頻更好子有古人風晤語清霜裏平生苦節同心

唯二仲合室乃一瓢空落葉寄一作繞秋菊一作竹愁雲低

夜鴻

一作叢蘭
思暗蟲

薄寒燈影外殘漏雨聲中明發南昌去

迴看御史驄

中書遇雨

濟旱惟宸慮為霖即上台雲銜七曜起雨拂九門來綸閣飛絲度龍渠激雷迴色翻池上藻香裛鼎前盃相燕皆舒翼沙鱗豈曝腮尺波應萬一作為假虞海載沿洄

適楚次徐城

去家隨旅雁幾日到南荆行邁改鄉邑苦辛淹晦明畏
途在淫雨未暮息趨程窮木對秋館寒鷗愁古城迷津
坐為客對酒默含情感激念知己匣中孤劍鳴

經李蒙潁陽舊居

同心而早世天道亦何論獨念山陽宅平生永不諼青
溪引白鳥流涕弔芳蓀蔓草入空室叢篁深毀垣舊遊
還在眼神理更忘言唯見東山月人亡不去門

贈漢陽隱者

當年不出世知子餐霞人樂道復安土遺榮長隱身衡
茅古林曲杭稻清江濱桂棹為漁暇荷衣禦暑新款顏
行在一作役幽興惜今晨分首天涯去再來芳杜春

巨魚縱大壑

巨魚縱大壑遂性似乘時奮躍風生鬣騰凌浪鼓鰭龍
攄回地軸鯤化想天池方快吞舟意尤殊在藻嬉傾危
嗟幕燕隱晦誚泥龜喻士逢明主才猷得所施

送李九歸河北

文武資人望，謀猷簡聖情。
南州初卧鼓，東土復維城。
寄重分符去，威仍出閫行。
斗牛移八座，日月送雙旌。
別戀瞻天起，仁風應物生。
佇聞收組練，鏘玉會承明。

送丁著作佐台郡

多年金馬客，名遂動歸輪。
佐郡紫書下，過門朱綬新。
揚舫望海嶽，入境背風塵。
水驛偏乘月，梅園別受春。
帶經臨府吏，鱸鯉待鄉人。
始見美高士，逍遙在搢紳。

送王使君赴太原行營

太白明無象，皇威未戢戈。諸侯持節鉞，千里控山河。
漢驛雙旌度，胡沙七騎過。驚蓬一作蜂連雁起，牧馬入雲多。
不賣盧龍塞，能消瀚海波。須傳出師頌，一作表莫奉式微歌。

送王使君移鎮淮南

共許徐方牧，能臨河內人。郡移棠轉茂，車至鹿還馴。
吏事嘉師旅，鴛行惜播紳。別心傾祖席，愁望盡征輪。
紫誥一作詔徵黃晚，蒼生借寇頻。願言青瑣拜，早及上林春。

李四勸為尉氏尉李七勉為開封尉

惟伯與仲
有令譽因

美之

美政惟兄弟時人數俊賢
皇枝雙玉樹吏道二梅仙
自理堯唐俗唯將禮讓傳
采蘭花萼聚就日雁行聯
黃綬俄三載青雲未九遷
廟堂為宰制幾日試龍泉

春夜宴任六昆季宅

際晚綠煙起入門芳樹深
不才叨下客喜宴齒諸簪
夜月仍携妓清風更在林
彩毫揮露色銀燭動花陰
自接

通家好應一作因知待士心向隅逢故識茲夕願披襟

閒居酬張起居見贈

在林非避世守拙自離羣弱羽謝風水一作木窮愁依典

墳良知不遐棄新詠獨相聞能使幽興苦坐忘清景曛
前山帶喬木暮鳥聯歸雲向夕野人思難忘騎省文

奉和王相公秋日戲贈元校書

才妙心仍遠名踈跡可追清秋聞禮暇新雨到山時勝
事唯愁盡幽尋不厭遲弄雲憐鶴去隔水許僧期賢相

敦高躅雕龍憶所思芙蓉洗清露願比謝公詩

過楊駙馬亭子

衣冠在漢庭

一作京

臺榭接天成彩鳳翻簫曲祥鱸入館

名歌鐘芳月曙林嶂碧雲生亂水歸潭淨高花映竹明

退朝追宴樂開閣

一作洗轄

醉簪纓長袖留嘉客棲鳥下禁

城

山下別杜少府

把手意難盡前山日漸低情人那忍別宿夕

一作夕

鳥尚同

樓寸晷戀言笑佳期欲阻睽離雲愁出岫去水咽分溪
莊叟幾虛說揚朱空自迷傷心獨歸路秋草更萋萋

晚出青門望終南別業

能清

一作捐

謝朓思

一作府

暫下承明廬遠山新水

一作水斷山

下寒臯微雨餘更憐歸鳥去宛到卧龍居笑指叢

一作家

林上閒雲自卷舒寧心鳴鳳

一作鳳鳴

知日却意

一作憶

釣璜

初處貴有餘興伊周位不如

送嚴士良侍奉詹事南遊

疏傳獨知止曾參善愛親江山侍行邁長幼出囂

一作風

塵握手想千古此心能幾人風光滿長陌

一作路

草色傍

征輪日夕望荆楚鶯鳴芳杜新漁

一作汀

煙月

一作日

下淺

花嶼

一作鳥

水中春點翰遙

一作時

相憶含情向

一作寄

白蘋

題祕書王廸城北池亭

子喬來魏闕明主賜衣簪從宦辭人事同塵即道心還

追大隱跡寄此鳳城陰昨夜新煙雨池臺清且深伏泉

通粉壁迸筍出花林晚沐常多暇春

一作香

醪時獨斟西

南漢宮月復對綠窗琴

一作吟

過王舍人宅

入門花柳暗知是近臣居大隱心何遠高風物自踈
脩然靜者事宛得上皇餘雞犬偷仙藥兒童授

一作受

道書

清吟送客後微月上城初彩筆有新詠文星垂太虛承
恩金殿宿應薦馬相如

過瑞龍觀道士

不知誰氏子鍊魄家洞天鶴待丹成日人尋種杏田靈

山含道氣物性皆自然白鹿顧瑞草驪龍蟠玉泉得茲
象外趣便割區中緣石竇采雲母霞堂陪列仙主人善
止客柯爛忘歸年

送沈仲

一作冲

天樸非外假至

一作志

人常晏如心期邈霄漢詞律響瓊

琚舉酒常歎息無人達子虛夜光失隋掌驥驟伏鹽車
考室晉山下歸田秦歲初寒雲隨路合落照下城餘千
里還同術無勞怨索居

和韋侍御寓直對雨

名貫四科首班宜二妙齊如何厭白簡未得步金闈寓
直晦秋雨吟餘聞遠雞漏聲過旦冷雲色向窗低誰謂
霄漢近翻嗟心事睽蘭滋人未握霜曉鶚還棲佇見田
郎字親勞御筆題

奉和聖製登朝元閣

六合紆玄覽重軒啟上清石林飛棟出霞頂泰階平拂
曙鑿輿上晞陽瑞雪晴翠微回日馭丹巘駐天行御氣

升銀漢垂衣俯錦城山通玉苑迴河抱紫闕明感物乾
文動凝神道化成周王陟喬嶽列辟讓英聲

奉和杜相公移長興宅奉呈元相公

守貴常思儉平津此意深能卑丞相宅何謝故人心種
蕙初抽帶移篁不改陰院梅朝助鼎池鳳夕歸林覺路
經中得滄洲夢裏尋道高仍濟代恩重豈投簪報國誰
知已推賢共作霖興來文雅振清韻擲雙金

送任先生任唐山丞

再命果良願幾年勤說詩上公頻握髮才子共垂帷琢
玉成良器出門偏愴離腰章佐墨綬耀錦到茅茨樹老
見家日潮平歸縣時衣催蓮女織頌聽海人詞鴻鵠志
應在荃蘭香未衰金門定回首雲路有佳期

送外甥懷素上人歸鄉侍奉

釋子吾家寶神清慧有餘能翻梵王字妙畫伯英書遠
鶴無前侶孤雲寄太虛狂來輕世界醉裏得真如飛錫
離鄉一作久寧親喜一作臘初故池殘雪滿一作寒柳

霽煙疎壽酒還嘗藥晨餐不薦魚遙知禪誦外健筆賦
閒居

送張中丞赴桂州

出守求人瘼推賢動聖情紫臺初下詔卓蓋始專城寵
借飛霜簡威加却月營雲衢降五馬林木一作桂水引

雙旌夙仰敷詩禮嘗聞偃甲兵成樓雲外靜訟閣竹間
清化佇還珠美心將片玉貞冠恂朝望重計日謁承明

送王相公赴范陽

翊聖銜恩重頻年按節行安危皆報國文武不緣名受
賑仍調鼎為霖更洗兵幕開丞相閣旗總貳師營料敵
知無戰安邊示一作自有征代雲橫馬首燕雁拂笳聲去
鎮關河靜歸看日月明欲知瞻戀一作望切遲暮一書生

送蔣尚書居守東都

鳳輦幸秦久周人徯帝情若非君敏德誰鎮洛陽城前
席命才彥舉朝推令名綸言動北斗職事守東京鄭履
下天去遽輪滿路聲出關秋樹直對關遠山明肅肅保

簷處水流宮苑清
長安日西笑朝夕
衮衣迎

送李兵曹赴河中

能荷鐘鼎業不矜紉綺榮
侯門三事後儒服一書生
昔志學文史立身為士英
驪珠難隱耀一作臯鶴會長鳴

休命且隨牒候時常振纓
寒蟬思闕柳匹馬向蒲城
秋日黯將暮黃河如欲清
黎人思坐嘯知子樹佳聲

罷官後酬元校書見贈

心期悵已阻交道復何如
自我辭丹闕唯君到故廬
忘

機負負米憶戴出無車

一作未忘金馬
詔猶負茂陵書

隣犬吠初服家

人愁斗儲秋堂入閒夜雲月思離居窮巷聞砧冷荒枝

應

一作
暎

鵲疎官名隨落葉生事感枯魚臨

一作
流

水仍揮

手知音未棄余

同鄔戴闕中旅寓

文士皆求遇今人誰至公靈臺一寄宿楊柳再春風更

惜忘形友頻年失志同羽毛

一作
衣

齊燕雀心事阻鴛鴻

留滯慚歸養飛鳴恨觸籠橘懷鄉夢裏書去客愁中殘

雪迷歸雁韶光棄斷蓬吞悲問唐舉何路出屯蒙

新豐主人

明代少知己夜光頻暗投迺遭終薄命動息盡窮愁自
欲歸飛鷁當為不繫舟雙垂素絲淚幾弊皂貂裘暮鳥
棲幽樹孤雲出舊丘蛩悲衣褐夕雨暗轉蓬秋客裏馮
諼劍歌中甯戚牛主人能縱酒一醉且忘憂

夕遊覆釜山道士觀因登玄元廟

冥搜過物表洞府次溪傍已入瀛洲遠誰言仙路長孤

煙出深竹道侶正焚香鳴磬愛山靜步虛宜夜涼仍同
象帝廟更上紫霞岡霽月懸琪樹明星映碧堂傾思丹
竈術願采玉芝芳儻把浮丘袂乘雲別舊鄉

陪郭常侍令公東亭宴集

盛業山河列重名劔履榮珥貂為相子開閣引時英美
景池臺色佳期宴賞情詞人載筆至仙妓出花迎暗竹
朱輪轉迴塘玉佩鳴舞衫招戲蝶歌扇隔啼鶯飲德心
皆醉披雲興轉清不愁懽樂盡積慶在和羹

太子李舍人城東一作中別業與二三文友逃暑

下馬失炎暑重門深綠篁宮臣禮嘉客林表開蘭堂茲

夕日一作興難盡澄壘照墨場鮮風吹印綬密坐皆馨香

美景惜文會清吟遲羽觴一本無上四句東林晚來好日極一作

目趣何長鳥道挂疎雨人家殘夕陽城隅擁歸騎留醉

酌一作羣戀瓊一作芳

柏崖老人號無名先生男削髮女黃冠自以雲

泉獨樂命予賦詩

古也憂婚嫁君能樂性腸

一作道場

長男棲月宇少女炫

一作

袿霓裳問爾餐霞處春山芝桂旁鶴前飛九轉壺裏駐
三光與我開龍嶠披雲靜藥堂胡麻兼藻綠石髓隔花
香帝力言何有椿年喜漸長窅然高象外寧不傲羲皇

贈李十六

半面喜投分數年欽盛名常思夢顏色誰憶

一作意

訪柴

荆忽聽欵扉響欣然倒屣迎蓬蒿駐駟雞犬傍簪纓
酌水即嘉宴新知甚故情僕夫視日色棲鳥催車聲自

爾宴言後至今門館清何當更乘興林下已苔生

裴僕射東亭

鳳宸任匡濟雲溪難退還致君起列辟得道在榮班朱
戟繚垣下高齋芳樹間隔花開遠水廢卷愛晴山晚沐
值清興知音同解顏藉蘭開賜酒留客下重關仙犬逐
人靜朝車映竹閒則知真隱逸未必謝區寰軒后三朝
顧赤松何足攀

中書王舍人輞川舊居

幾年家絕壑，滿徑種芳蘭。
帶石買松貴，通溪漲水寬。
誦經連谷響，吹律減雲寒。
誰謂桃源裏，天書問考槃。
一從解蕙帶，三入偶蟬冠。
今夕復何夕，歸休尋舊歡。
片雲一作霞，隔蒼翠，
春雨半林湍。藤長穿松蓋，
花繁壓藥欄。景深青眼下，
興絕綵毫端。笑向同來客，
登龍此地難。

送襄陽盧判官奏開河事

千里趨魏闕，一言簡聖聰。
河流引闕外，國用贍秦中。
有詔許其策，隨山興此功。
連雲積石阻，計日安波通。
飛檝

轉年穀利人勝歲豐言歸漢陽路拜手蓬萊宮紫殿賜
衣出青門酣酌同晚陽過微雨秋水見新鴻坐惜去車
遠愁看離館空因思郢川守南楚滿清風

奉送戶部李郎中充晉國副節度出塞

德佐調梅用忠輸擊虜年子房推廟略漢主託兵權受
命禁中禁分麾鎮左賢風生黑山道星下紫微天始願
文經國俄看武定邊鬼方堯日遠幕府代雲連汗馬將
行矣盧龍已肅然關防驅使節花月眷離筵自忝知音

遇而今感義偏淚聞橫吹落心逐去旌懸帝念變能政
時須說濟川勞還應即爾朝暮玉墀前

奉和中書常舍人晚秋集賢院即事寄徐薛二

侍御

文星垂太虛辭伯綜羣書彩筆下鴛掖褒衣來石渠典
墳探奧旨造化覩權輿述聖魯宣父通經漢仲舒窗明
宜縹帶地甫近丹除清晝刪詩暇高秋作賦初露盤侵
漢聳宮柳度鷗疎靜對連雲閣晴聞過闌車舊僚云出

矣晚歲復何如海嶠瞻歸路江城夢直廬含毫思兩鳳
望遠寄雙魚定笑巴歌拙還叅麗曲餘

和范郎中宿直中書曉翫清池贈南省同僚兩

一作垣遺補
西

青瑣留才子春池靜禁林自矜仙島勝宛在掖垣深引
派彤庭裏含虛玉砌陰漲來知聖澤清處見天心蘭氣
飄紅岸文星動碧潯鳳棲長近日虬卧欲為霖席寵雖
高位流謙乃素襟焚香春一作殘漏盡假寐曉鶯吟丹地

宜清泚

一作切

朝陽復照臨司言兼逸趣鼓興接

一作屬

知

音六義驚

一作先

摘藻三臺響

一作嚮

擲金為憐風水外落

鱗

一作羽此漂

一作失飛


沈

御定全唐詩卷二百三十八

謹案卷二百三十七第二十三頁後五行又作郵
刊本郵訛卸據別本改

卷二百三十八第七頁後三行寵兼三獨任按別
本任作坐





總校官庶吉士臣張能照

校對官檢討臣王鍾健

謄錄監生臣王心仁

欽定四庫全書薈要

集部

御定全唐詩卷二百

三十九
四十



欽定四庫全書會要卷一萬七千六百四十三

集部

御定全唐詩卷二百三十九

錢起

同程九早入中書

一作錢
珣詩

御定全唐詩

漢家賢相重英竒
蟠木何材也見知
不意雲霄能自致

空驚鷓鴣忽相隨
臘雪初明栢子殿
春光欲上萬年枝

獨慚皇鑒明如日
未厭春

一作螢

光向玉墀

仲春宴王補闕城東小

一作山池

王孫興至幽尋好芳草春深景氣和藥院愛隨流水入
山齋喜與白雲過猶嫌巢鶴窺人遠不厭叢花對客多
醉來倚玉無餘事目送歸鴻笑復歌

夜宿靈臺寺寄郎士元

西日橫山含碧空東方吐月滿禪宮朝瞻雙頂青冥上
夜宿諸天色界中石潭倒獻一作泐蓮花水塔院空聞一作映
松栢風萬里故人能尚爾知君視聽我心同

題郎士元半日吳村別業魚呈李長官

半日吳村帶晚霞
閒門高柳亂飛鴉
橫雲嶺外千重樹
流水聲中一兩家
愁人昨夜相思苦
閏月今年春意賒
自歎梅生頭似雪
却憐潘令縣如花

猷川雪後送僧祭臨還京時避世卧疾

連步青溪幾萬重
有時共立在孤峰
齋到孟空餐雪麥
一作經傳金字坐雲松
呻吟獨卧猷川水
振錫先聞長
樂鐘回望羣山
携手處
離心一一涕無從

和李員外扈一作從駕幸溫一作湯泉宮

未央月曉度疎鐘鳳

一作步

輦時巡出九重雪

一作雨

霽山門

迎瑞日雲開水殿候飛龍
輕寒不入宮中樹佳氣常薰

一作浮

仗外峰遙羨枚臯扈仙

一作先

蹕偏承霄漢渥恩濃

長信怨

長信螢來一葉秋蛾眉淚盡九重幽
鳩鵲觀前明月度

芙蓉闌下絳河流鴛鴦久別難為夢
鳳管遙聞更起愁

誰分

一作念

昭陽夜歌舞君王玉輦正淹留

送河南陸少府

雲間陸生美且奇，銀章朱綬映金羈。
自料抱材將致遠，寧嗟趨府暫牽卑。
東城社日催巢燕，上苑秋聲散御梨。
朝夕詔書還栢署，行看飛隼集高枝。

送李評事赴潭州使幕

湖南遠去有餘情，蘋葉初齊白芷生。
謾說簡書催物役，遙知心賞緩王程。
興過山寺先雲到，嘯引江帆帶月行。
幕下由來貴無事，佇聞談笑靜黎甍。

送李九貶南陽

玉柱金罍醉不歡
雲山驛道向東看
鴻聲斷續暮天遠
柳影蕭疎秋日寒
霜降幽林霜蕙若
弦驚翰苑失鴛鴦
秋來回首君門阻
馬上應歌行路難

送裴頔

迪一作頔

侍御使蜀

柱史纔年四十強
紫髯玄髮美清揚
朝天繡服乘恩貴
出使星軺滿路光
錦水繁花添麗藻
峩嶠明月引飛觴
多才自有雲霄望
計日應追鴛鴦行

送韋信愛子歸覲

離舟解纜到斜暉春水東流燕北

一作北雁

飛才子學詩趨

露冕棠花含笑待斑衣稍聞江樹啼猿近轉覺山林過
客稀借問還珠盈合浦何如鯉也入庭闈

送興平王少府遊梁

舊識相逢情更親攀歡甚少愴離頻黃綬罷來多遠客
青山何處不愁人日斜官樹聞蟬滿

一作晚

雨過闕城見

月新梁國遺風重詞賦諸侯應念馬卿貧

送張員外出牧岳州

鳳凰銜詔與何人善政多才寵寇恂臺上鴛鴦爭送遠
岳陽雲樹待行春自憐黃閣知音在不厭彤幃出守頻
應笑馮唐衰且拙世情相見白頭新

送孫十尉溫縣

飛花落絮滿河橋千里傷心送客遙不惜芸香染黃綬
惟憐鴻羽下青霄雲衢有志終驤首吏道無媒且折腰
急管繁絃催一醉頽陽不駐引征鑣

送鍾評事應宏詞下第東歸

芳歲歸人嗟轉蓬，含情回首灞陵東。
蛾眉不入秦臺鏡，鷓鴣羽還驚宋國風。
世事悠悠揚春夢，裏年光寂寞旅愁中。
勸君稍盡離筵酒，千里佳期難再同。

送嚴維尉河南

蕙葉青青花亂開，少年趨府下蓬萊。
甘泉未獻一作揚

雄賦，吏道何勞賈誼才。
征陌獨愁飛蓋遠，離筵只惜暝鐘催。
欲知別後相思處，願植瓊枝向栢臺。

送馬員外拜官覲省

二十為郎事漢文，鴛鴦驥子自為羣。
筆精已許臺中妙，劍術還令世上聞。
歸覲屢經槐里月，出師常笑棘門軍。
莫言來往朝天遠，看取鳴鞘入斷雲。

送冷朝陽擢第後歸金陵覲省

萊子晝歸今始好，潘園景色夏偏濃。
夕陽流水吟詩去，明月青山出竹逢。
兄弟相歡初讓果，鄉人爭賀舊登龍。
佳期少別俄千里，雲樹愁看過一作幾重。

九日宴浙江西亭

詩人九日憐芳菊
筵客高齋宴浙江
漁浦浪花搖素壁
西陵樹色入秋窗
木奴向熟懸金實
桑落新開瀉玉缸
四子醉時爭講習
笑論黃霸舊為邦

和王員外雪晴早朝

紫微晴雪帶恩光
繞仗偏隨鴛鴦行
長信月留寧避曉
宜春花滿不飛香
獨看積素凝清禁
已覺輕寒讓太陽
題柱盛名兼絕唱
風流誰繼漢田郎

避暑納涼

木槿花開畏日長
時搖輕扇倚繩牀
初晴草蔓緣新筍
頻雨苔衣染舊牆
十旬河朔應虛醉
八柱天台好納涼
無事始然知靜勝
深垂紗帳詠滄浪

早夏

楚狂身世恨情多
似病如憂正是魔
花萼敗春多寂寞
葉陰迎夏已清和
鸝黃好鳥搖深一作紅樹
細白佳人著紫羅
軍旅閱詩裁不得
可憐風景遣如何

題嵩陽焦道士石壁

三峰花畔

一作半

碧堂懸錦里真人此得仙玉體

醴一作纒

飛西蜀雨霓裳欲向大羅天彩雲不散燒丹竈白鹿時

藏種玉田幸入桃源因

一作應

去世方期丹訣一延年

題延州聖僧穴

定力無涯不可稱未知何代坐禪僧
默默山門宵閉月
熒熒石壁書然燈四時樹長書
經葉萬歲巖懸拄杖藤
昔日捨身緣救鵠今時出見有飛鷹

樂遊原晴望上

一作寄

中書李侍郎

爽氣朝來

一作分

萬里清憑高一望九秋

一作愁

輕不知鳳

沼

一作傳說

霖初霽但覺

一作見

堯天日轉明四野山河通

一作

同遠色千家砧杵共秋聲遙想

一作指

青雲丞相府何時

開閣引

一作對

書生

幽居春暮書懷

一作石門暮春
一作藍田春暮

自哂鄙夫多野性貧

一作間

居數畝半臨湍

一作村端

谿雲雜

雨來茅屋山雀

一作鳥

將雛到

一作至

藥欄仙籙滿牀閒不

厭陰符在篋老羞看更憐童子宜春服花裏尋師指

一作

到杏壇

謁許由廟

故向箕山訪許由，林泉物外自清幽。
松上挂瓢枝幾變，石間洗耳水空流。
綠苔唯見遮三徑，青史空傳謝九州。
緬想古人增歎惜，颯然雲樹滿巖秋。

過張成侍御宅

丞相幕中題

吐一作

鳳人文章心事每相親，從軍誰謂仲

宣樂入室方知顏，子貧杯裏紫茶香，代酒琴中綠水靜。

留賓欲知別後相思意唯願瓊枝入夢頻

酬考功楊員外見贈佳句

黃卷讀來今已老
白頭受屈不曾言

上林諫獵知才薄尺組承恩愧命牽
演漉難滋滄海潤螢光空盡太陽前
虛名濫接登龍士野性寧忘種黍田
相國無私人守樸何辭老去上皇年

寄永嘉王十二

永嘉風景入新年才子詩成定可憐
夢裏還鄉不相見天涯憶戴復誰傳
花傾曉露垂如淚鶯拂遊絲斷若弦

願得回風吹海雁飛書一宿到君邊

七盤嶺阻寇聞李端公先到南楚

日暮窮途淚滿襟雲天南望羨飛禽

一作隴

腸暗與孤

鴻

一作魂

斷江水遙連別恨深明月既能通憶夢青山何

用隔同心秦楚眼看成絕國相思一寄白頭吟

酬趙給事相尋不過留贈

誰憶

一作意

顏生窮巷裏能勞馬跡破春苔忽看童子掃

花處始愧夕郎題鳳來斜景適隨詩興盡好風纔送珮

聲回豈無雞黍期他日惜此殘春阻綠盃

山中酬楊補闕見過

日暖風恬種藥時紅泉翠壁薜蘿垂幽溪鹿過苔還靜

深樹雲來鳥不一作未知青瑣同心多逸興春山載酒遠

相隨却慙一作思身外一作事牽纓冕未一作寧勝盃一作林前

倒接羅

同王鎬起居程浩郎中韓翃舍人題安國寺用

上人院

慧眼沙門真遠公
經行宴坐有儒風
香緣不絕簪裾會
禪想寧妨藻思通
曙後鑪煙生不滅
晴來塔色竝歸空
狂夫入室無餘事
唯與天花一笑同

尋司勳李郎中不遇

知己知音同舍郎
如何咫尺阻清揚
每恨蒹葭傍

一作倚

芳樹多慙新燕入
華堂重花不隔陳
蕃榻修竹能深夫
子墻
唯有早朝趨鳳閣
朝時憐羽接鴛行

贈張南史

紫泥何日到滄洲笑向東陽沈隱侯黛色晴山一作峰雲

外出穀文江水縣前流使臣自欲論公道才子非關厭

薄遊溪畔秋蘭雖可佩知君不得少停舟穀江蘭溪之別名也

暇日覽舊詩因以題詠

逍遙心地得闐闐偶被功名浣一作我閒有壽亦將歸

象外無詩魚不戀人間何窮默識輕洪範未喪斯文勝

大還筐篋靜開難似此蕊珠春色一作雪海中山

漢武出獵

漢家無事樂時雍
羽獵年年出九重
玉帛不朝金闕路
旌旗長繞綠霞峰
且貪原獸輕黃屋
寧畏漁人犯白龍
薄暮方歸長樂觀
垂楊幾處綠烟濃

宴曹王宅

賢王駟馬退朝初
小苑三春帶雨餘
林沼蔥蘢多貴氣
樓臺隱映接天居
仙雞引敵穿紅藥
宮燕銜泥落綺疏
自歎平生相識願
何如今日廁應徐

重贈趙給事

久飛鴛掖出時髦
恥負平生稽古勞
玉樹滿庭家轉貴
雲衢獨步位初高
能迂騶馭尋蝸舍
不惜瑤華報木桃
應念潛郎守貧病
常悲休沐對蓬蒿

贈闕下

一作闕下贈

裴舍人

二月黃鶯

一作鶯

飛上林春城紫禁

一作陌

曉陰陰

一作沈一本

二句倒用

長樂鐘聲花外盡
龍池柳色雨中深
陽和不散窮

途恨霄漢長懷

一作懸

捧日心獻賦十年猶未遇
羞將白

髮對華簪

登劉賓客高齋

時公初退相 一作
春題劉相公山齋

能以功成踈寵位不將心賞負雲霞林間客散孫弘閣

城

一作壇

上山宜綺季家蝴蝶晴連

一作憐

池岸草黃鸝晚

一作曉

出柳園花

一作山蝶成羣爭逐
蕙黃鸝命子暗移花

日陪鯉也趨文苑

誰道門生隔絳紗

哭辛霽

流水辭山花別枝隨風一去絕還期昨夜故人泉下宿
今朝白髮鏡中垂音徽寂寂空成夢容範朝朝無見時

旦暮餘生幾息在不應存沒未嘗悲

和慕容法曹尋漁者寄城中故人

孤煙一點綠溪湄
漁父幽居即舊基
饑鷺不驚收釣處
閒麝應乳負暄時
茅齋對雪開尊好
穉子焚枯飯客遲
勝事宛然懷抱裏
頃來新得謝公詩

山花

山花照塢復燒溪
樹樹枝枝盡可迷
野客未來枝畔立
流鶯已向樹邊啼
從容只是愁風起
眷戀常須向

一作到

日西別有妖妍勝桃李攀來折去亦成蹊

送楊著作歸東海

楊柳出關色東行千里期酒酣暫輕別路遠始相思欲

識離心盡斜陽

一作光

到海時

一本無末二句

送李協律還東京

芳草忽無色王孫復入關長河侵驛道匹馬傍雲山愁
見離居久螢飛秋月閒

秋館言懷

蟋蟀已秋思蕙蘭仍碧滋蹉跎獻賦客歎息此良時日
夕雲臺下商歌空自悲

和劉明府宴縣前山亭

城隅勞心處雪後歲芳開山暎千花出泉經萬井來翔
鸞欲下舞上客且留盃

新雨喜得王卿書問

苦雨暗秋徑寒花垂紫苔愁中綠尊盡夢裏故人來果
有相思字銀鈎新月開

賦得巢燕送客

能棲杏梁際不與黃雀羣
夜影寄紅燭朝飛高碧雲
含

情別故侶花月

一作
宛似惜春分

題張藍田訟堂

角巾高枕向晴山
訟簡庭空不用闕
秋風窗下琴書靜

夜

一作
落

景門前人吏閒
稍覺淵明歸思遠
東臯月出片

雲還

江行無題一百首

一作錢
珣詩

傾酒向漣漪乘流東

一作欲

去時寸心同尺璧投此報馮

夷

江曲全縈楚雲飛

一作氛

半自秦峴山回首望如別故關

鄉一作人

往年累登峴亭

浦煙函夜色

一作寒永夜

冷日轉秋旻自有沈碑石

一作清在

光不照人

楚岸雲空

一作初

合楚城人不來只

一作祇

今誰善舞莫恨

發陽

一作廢章臺

行背青山郭吟當白露秋風流無屈宋空詠古荊州

晚來漁父喜罾

一作網

重欲收遲恐有長江使金錢願贖

龜

去指龍沙路徒懸象闕

一作魏

心夜涼無遠夢不為偶聞

砧

霽雲疎有葉雨浪細無花穩放扁舟去江天自有涯

好日當

一作長

秋半層波動旅腸已行千里外誰與共秋

光

潤色非東里官曹更建章
宦遊難自定來喚擢船郎

夜江清未曉徒惜月光

一作先

沈不是因行樂堪傷老大

心

翳日多喬木維舟取束薪
靜聽江叟語俱

一作盡

是厭兵

人

箭漏日初短汀煙草未

一作木

衰雨餘

一作微

雖更綠不是

采蘋時

山雨

一作水

夜來漲喜魚跳滿
江岸沙平欲盡垂
蓼入船

窗

渚邊新雁下舟上獨淒涼俱是南來客憐君綴一行

牽路沿

一作緣

江狹沙崩岸不平盡知行處險誰肯載時

輕

雲密連江暗風斜著物鳴一杯真戰將笑爾作愁兵

柳拂斜開

一作陽

路籬邊數戶村可能還有意不掩向江

門

不識桓公

一作相如

渴徒吟子美詩江清唯獨看心外更誰

知

憔悴異靈均非讒作逐臣如逢漁父問未是獨醒人
水涵秋色靜雲帶夕陽高詩癖非吾病何妨吮短毫

登

一作帶

舟非

一作維

古岸還似阻西陵箕伯無多少回頭

詎不能

帆翅初張處雲鵬怒翼同莫愁千里路自有到來風

秋

一作愁

雲久無雨江燕社猶飛却笑舟中客今年未得

歸

佳節雖逢菊浮生

一作雲

正似一作足

萍故山何處望荒岸

小長亭

行到楚江岸蒼茫人正迷
祇知秦塞遠格磔鷓鴣啼

月下江流靜村荒人語稀
鷺鷥雖有伴仍一作乃共影雙

飛

斗轉月未落舟行夜已深
有村知不遠風便數聲砧

櫂驚沙鳥迅飛濺夕陽波
不顧魚多處應防一目羅

漸覺江天遠難逢故國書
可能無往事空食鼎中魚

岸草連荒色村聲樂稔年晚晴初一作貪穫稻閒却采蓮

菱一作船

灘淺爭一作多遊鷺江清易見魚怪來吟未足秋物欠紅

蕖

蛩響依莎一作沙草螢飛透水煙夜涼誰詠史空泊運租

船

睡穩葉舟輕風微浪不驚任君一作人居蘆葦岼終夜動秋

聲

自念

守一作

平生意曾期一郡符豈

一作

知因謫宦斑鬢

入江湖

煙渚復煙渚畫屏休

一作還

畫屏引愁天末去數點暮山

青

水天涼夜月不是惜

一作少

清光好物

一作景

隨人祕

一作物

秦淮憶建康

古來多思客搖落恨江潭今日秋風至蕭疎獨

一作過 沔

南

映竹疑村好穿蘆覺渚幽漸安無曠土薑芋當農收

秋風動客心寂寂不成吟飛上危檣立啼鳥一作鶯報好

一作鳥音
不知

見底高秋水開懷萬里天旅吟還有伴沙柳數枝蟬

九日自佳節扁舟無一盃曹園舊尊酒戲馬憶高臺

兵火有餘燼貧村繞數家無人爭曉渡殘月下寒沙

渚禽菱芡足不向稻梁爭靜宿涼灣月應無失侶聲

輕雲未護一作撲霜樹杪橘初黃信是知名物微風過水

香

渺渺望天涯清漣浸赤霞難逢星漢使烏鵲日一作乘

槎

土曠深耕少江平遠釣多生平皆棄本金草竟如何
海月非常物等閒不可尋披沙應有地淺處定無金
風晚冷颼颼蘆花已白頭舊來紅葉寺堪憶玉京秋
風好來無陣雲閒去有蹤釣歌無遠近應喜罷艖艖
吳疆連楚甸楚俗異吳鄉漫把尊中物無人啄蟹筐

一作

黃

岸綠野煙遠江紅斜照微撐開小漁艇應到月明歸

雨餘江始漲漾漾見流薪曾歎河一作溝中木斯言憶古

人

葉一作乘舟維夏口煙野獨行時不見頭陀寺空懷幼婦

碑

晚泊武昌岸津亭疎柳風數株曾手植好事憶陶公

墜露曉猶濃一作霞墜日猶紅秋花一作清風不易逢涉江雖已晚

高樹牽

一作攀

芙蓉

舟航依浦定星斗滿江寒若比陰靈日何妨夜未闌
近戍離金落孤岑望火門唯將知命意瀟灑向乾坤

叢菊生堤上此花長後時有人還採掇何必在

一作及春

期

夕景殘霞落秋寒細雨晴短纓何用濯舟在月中行

堤

一作根

壞漏

一作滿

江水地坳成野塘晚荷人不折留取

一作此作秋香

左一作官終何路攄懷亦自寬
襍牋嘲白鷺無意喻臬

鸞

樓空人不歸雲似去時衣黃鶴無心下長應笑令威

白帝朝驚浪潯陽一作陽臺暮暎雲等閒生險易世路祗如

君

櫓慢開一作生輕浪帆虛帶白雲客船雖狹小容得庾一作

瘦將軍

風雨正甘一作酣寢雲霓忽晚晴放歌雖一作頌自遣一歲

又崢嶸

靜看秋水風微浪漸平
人間馳競處塵土自波成

風勁

一作借

帆方疾風回櫂却遲較量
人世事不校一毫

釐

咫尺愁風雨匡廬不可登
祇疑雲一作香霧窟猶有六朝

僧

幽思正遲遲沙邊濯弄時
自憐非博物猶未識鳧葵
曾有烟波客能歌西塞山
落帆唯待月一釣紫菱灣

千頃水紋細一拳嵐影孤君山寒樹綠曾過洞庭湖
光濶重湖水低斜遠雁行未曾無興詠多謝沈東陽
晚菊繞江壘忽如開古屏莫言時節過白日有餘馨

秋寒鷹隼健逐雀下雲空知是江湖濶無心擊塞鴻

日落長亭晚山門步障青可憐

一作能

無酒分處處

一作更祝

有旗亭

一作星

江草何多思冬青尚滿洲誰能驚鵬鳥作賦為沙鷗

遠岸無行樹經霜有半紅停船搜

一作披

好句題葉贈江

楓

身世比行舟無風亦暫休敢言終破浪唯願穩乘流

數畝蒼苔石煙濛鶴卵洲定因詞客遇一作名字始風

流

興閒停桂楫路好過松門不負佳山水還開酒一尊
幽懷念煙水長恨隔龍沙今日滕王閣分明見落霞
短楫休敲桂孤根自駐萍自憐非劍氣空向斗牛星
江流何渺渺懷古獨依依漁父非賢者蘆中但有磯

高浪如銀屋江風一發時筆端降太白才大語終奇

細竹漁家路晴陽看結繒一作喜來邀客坐分與折腰

菱

幸有煙波興寧辭筆硯勞緣情無怨刺一作刺怨却似反離

騷

平湖五百里江水想通波不柰扁舟去其如決計何

數峰雲斷處去岸映高一作西山身到章一作章江日猶應

一作應猶未得閒

一灣斜照水三版順風船未敢相邀約勞生祇自憐
江雨正霏微江村晚渡稀何曾妨釣艇更待得魚歸

沙上獨行時高吟

一作吟情

到楚詞

一作祠

難將垂岸蓼盈

一作

應把當江籬

新野舊樓名潯陽勝賞情照人長一色江月共淒清

願飲西江水那吟北渚愁莫教留滯跡遠比蔡昭侯

湖口分江水東流獨有情當時好風物誰伴謝

一作宣為伴

城

潯陽江畔菊應似古來秋為問幽棲客吟時得酒不

高峰有佳號千尺倚寒松

一作風

若使鑪煙在猶應為上

公

萬木已清霜江邊村事忙故溪黃稻熟一夜夢

一作甕

中

香

楚水苦縈迴征帆落又開可緣非直路却有好風來
遠謫歲時晏暮江風雨寒仍愁繫舟處驚夢近長灘

言懷

夜月霽未一作來好雲泉堪夢歸如何建章漏催著早朝
衣

和張僕射塞下曲一作盧
綸詩

月黑雁飛高單于夜遁逃欲將輕騎逐大雪滿弓刀

送李明府去官

謗言三至後直道歎何如今日藍溪水無人不一作助
又作勗

夜魚一作
漁

赴章陵酬李卿贈別

一官叨下秩九棘謝知音芳草文園路春愁滿別心

逢俠者

燕趙悲歌士相逢劇孟家寸心言不盡前路日將斜

郎員外見尋不遇

軒騎來相訪漁樵悔晚歸更憐垂一作乘露跡花裏點牆

衣

過李侍御宅

一作過汝
呂侍御宅

不見承明客愁聞長樂鐘一作翰墨成千古恩榮謝九重馬卿何早世

漢主欲登封

宿洞口館

一作驛

野竹通溪冷秋泉

一作蟬一作泉
聲又作蟬聲

入戶鳴亂

一作往

來人

不到芳

一作寒

草上皆生

九日寄姪筓箕等

采菊偏相憶傳香寄便風今朝竹林下莫使桂尊空

梨花

豔靜如籠月香寒未逐風桃花徒照地終被笑妖紅

題崔逸人山亭

藥徑深紅蘚山窗滿翠微
羨君花下酒

一作醉

蝴蝶夢中

飛

藍田溪雜詠二十二首

登臺

一作望山臺

望山登春臺目盡趣難極
晚景下平阡花際霞峰色

板橋

靜宜樵隱度遠與車馬隔
有時行藥來喜遇歸山客

石井

片霞照仙井，泉底桃花紅。
那知幽石下，不與武陵通。

古藤

引蔓出雲樹，垂綸覆巢鶴。
幽人對酒時，苔上閒花落。

晚歸鷺

池上靜難厭，雲間欲去晚。
忽背夕陽飛，乘興一作清風刺與。

遠

洞仙謠

一作伺
山徑

幾轉到青山數重度流水秦人入雲去知向桃源裏

藥圃

春畦生百藥花葉香初霽好客似風光

一作日與光風偏來入

叢蕙

石上苔

淨一作靜與溪色連幽宜松雨

一作露滴誰知古石上不染

世人跡

窗裏山

遠岫見如近千里

一作重

一窗裏坐來石上雲乍謂壺中

起

竹間路

暗歸草堂靜半入花園

一作源

去有時載酒來不與清風

遇

竹嶼

幽鳥清漣上興來看不足
新篁壓水底昨夜鴛鴦宿

砌下泉

穿雲來自遠，激砌流偏駛。能資庭戶幽，更引海禽至。

戲鷗

乍依菱蔓聚，盡向蘆花滅。更喜好風來，數片翻晴雪。

遠山鐘

風送出山鐘，雲霞度水淺。欲知一作尋聲盡處，鳥滅寥天

遠

東陂

一作憶
皇子陂

永日興難忘，掇芳春陂曲。新晴花枝下，愛此苔水綠。

池上亭

臨池構杏梁待客歸煙塘水上褰簾好蓮開杜若香
銜魚翠鳥

有意蓮葉間瞥然下高樹擘波得潛魚一點翠光去

石蓮花

幽石生芙蓉百花慙美色遠笑越溪女聞芳不可識

潺湲一作溪聲

亂石跳素波寒聲聞一作來幾處颼颼暝風引散出空林

去

松下雪

雖因朔風至不向瑤臺側
唯助苦寒松偏明後彫色

田鶴

田鶴望碧霄無風亦自舉
單飛後片雲早晚及前侶

題南陂

家住鳳城南門臨古陂
曲時憐上林雁半入池塘宿

傷秋

歲去人頭白秋來樹葉黃搔頭向黃葉與爾共悲傷

送崔山人歸山

東山殘雨挂斜暉野客巢由指翠微別酒稍酣乘興去
知君不羨白雲歸

題禮上人辟畫山水

連山畫出映禪扉粉壁香筵一作煙滿翠微坐來鑪氣縈

空散一作微共指晴雲向嶺歸

送歐陽子還江華郡

江華勝事接湘濱千里湖山入興新才子思歸催去櫂

汀花且為駐殘春

一作江

暮春歸故山草堂

一作劉長卿詩題云晚春歸山居題窗前竹

谷口春殘

一作殘春

黃鳥稀辛夷花盡杏花飛始憐幽竹山

窗下不改清陰待我歸

訪李

一本有少字

卿不遇

畫戟朱樓映晚霞高梧寒柳度飛鴉門前不見歸軒至
城上愁看落日斜

與趙莒茶讌

竹下忘言對紫茶全勝羽客醉

一作對

流霞塵心洗盡興

難盡一樹蟬聲片影斜

故王維右丞堂前芍藥花開悽然感懷

芍藥花開出舊欄春衫掩泪再來看
主人不在花長在更勝青松守歲寒

送張叅及第還家

大一作學三年聞琢玉東堂一舉早成名
借問還家何

處好玉

一作中

人含笑下機迎

夜泊鸚鵡洲

月照溪邊一罩蓬夜聞

一作閒

清唱有微風小樓深巷敲

方響水國人家在處同

歸雁

瀟湘何事等閒回水碧沙明兩岸苔二十五弦彈夜月
不勝清怨却飛來

春郊

水遶

一作透

水渠漸有聲氣融煙塢晚來明東風好作陽

和使逢草逢花報發生

晚歸嚴明府題門

降士林霑蕙草寒弦

一作空

驚翰苑失鴛鸞秋中回首君

門阻馬上應歌行路難

秋夜送趙冽歸襄陽

斗酒忘言良夜深紅萱露滴鵲

一作滴露鶴

驚林欲知別後

思今夕漢水東流

一作遊

是寸心

送符別駕還郡

一作還錢塘

驥足駸駸吳越關

一作間

屏星復與紫書還
已知從事元

無事城上愁看海上山

同王員外隴城絕句

三軍版築脫金刀
黎庶翻慙將士勞
不憶

一作意

新城連

嶂

一作障

起唯驚畫角入雲高

過故洛城

故城門外

一作前

春日斜
故城門裏無人家
市朝欲認不

知處漠漠野田空草花

校獵曲

長楊殺氣連雲飛漢主秋畋正掩圍重門日晏紅塵出
數騎胡一作畋人獵獸歸

晚過橫灞寄張藍田

亂水東流落照時黃花滿徑客行一作來遲林端忽見南

山色馬上還吟陶令詩

九日田舍

今日陶

一作山
一作吾

家野興偏東籬黃菊映

一作滿秋田浮雲

暝鳥飛將盡

一作稍
飛去

始達青山

一作愛
平林

新月前

長安落第

花繁柳暗九門深對飲悲歌淚滿襟
數日鶯花皆落羽
一回春至一傷心

御定全唐詩卷二百三十九